



事物紀原集類卷第五

凡六部共一百九十六事



鄉貢進士南昌閻敬校正

三省網轄部第二十二凡四十八事

一

侍中

環濟要略曰古官也。風后為黃帝侍中。周有常伯。見尚書立政。秦漢為侍中。徐堅初學記曰。秦取古官制本丞相史也。丞相使史五人來往殿中奏事。故謂之侍中。後魏始為樞密之任。梁又以為宰相職事。唐侍中與中書尚書二令並為真宰相矣。

門下

門下侍郎秦官。秦有黃門侍郎。歷代不改。與侍中俱管門下眾事。凡禁門黃闥。故号黃門。其官給事于黃闥內。故云。唐天

寶元年改曰門下唐百官志云二年也

散騎

秦置散騎又置中常侍本二官魏文帝黃初初合散騎常侍為一官唐顯慶中分左右左隸門下右中書也

給事

秦置通典曰加官也初秦漢別有給事黃門之職後漢有給事黃門侍郎左右給事中以有事殿中故曰給事中獻帝時去給事黃門侍郎後周有給事中士別置給事中在六官外隋初開皇六年始于吏部置給事郎煬帝移為門下職唐武德三年改給事郎為給事中

夕拜

漢給事中故事每日暮時入對青瑣門拜故謂之夕拜亦為

夕郎

諫議

秦置諫大夫後漢光武增為諫議大夫歷代不改唐龍朔中屬中書開元後歸門下正元四年五月分左右以右隸中書

二起居

周有左右史王言則左史書之動則右史書之蓋起居之本也漢武有禁中起居後漢馬后自撰明帝起居法則其事似在宮中古文史之職也此始有起居之名魏晉以降著作掌之。後魏有置起居令史別置修起居注隋煬帝置起居舍人唐正觀二年于門下省置起居郎顯慶中復于中書置起居舍人以郎為左史以舍人為右史

諫正

唐武后垂拱中置拾遺補闕掌諷諫中宗以來有左右開元時左屬門下右中書會要云垂拱元年二月二十九日也國朝會要曰雍熙五年二月詔改補闕為左右司諫拾遺為左右正言蓋太宗欲令諫官修其職業故改其官號也然周禮地官之屬有司諫則周已名官矣唐書宋涵傳建中三年涵借稱王後二年聘張遂王道為司諫則涵又以此名立官也

中書令

辨納言周內史皆中書之任也漢武游宴後庭始置者典事尚書謂之中書謁者置令不言謁者省文也通典云唐百官志則曰秦如置中書謁者漢元帝去謁者字漢魏品卑而任重隋文帝廢三公府寮令中書令與侍中知政事遂以為宰相職林以為漢成帝建始四年改中書謁者令曰中謁者令

國 宋 以 之職

以士人為之魏文帝黃初初改秘書令為中書令也

中書侍郎

漢武帝置中書領尚書事有令丞郎魏黃初初置通事郎後改曰中書侍郎唐志曰晉加侍宗

中書舍人

初學記曰魏世中書始置通事一人明帝時有通事劉泰是也高貴鄉公改曰通事都尉尋為通事侍郎晉初置舍人通事各一人東晉合為一職梁始掌詔誥其後除通事直曰中書舍人舍人本周官掌平宮中之政

尚書令

三代冢宰之職也秦漢置尚書令于百官無所不主漢武元鼎二年始以張安世為之初學記曰秦官也漢因之

各

僕射

秦官。史記。始皇本紀。有僕射。周青臣是也。古者重武。以善射者掌事。故曰僕射。僕射者。僕役于射也。一云。僕主也。古有主射。以督課。漢因秦事。自侍中謁者。博士。將軍。屯。丞。皆有其。成帝建始元年。初置尚書五人。一人為僕射。此蓋其始也。獻帝建安四年。以邵榮為左僕射。衛臻為右僕射。置左右之始也。

左右丞

秦置尚書丞一人。漢成帝建始四年。置四人。光武始減其二。分左右佐令僕之事。唐以來。在尚書之下。嗣朝官制。改陞在上。又為執政官。

六尚書

尚書。秦官。秦時少府遣吏四人在殿中主發書。故謂之尚書。劉向新序曰。齊宣王為大室香車。諫。王召尚書。尚書之名。則七國時已有其官矣。晉志曰。漢光武始分尚書為六曹。通典曰。漢初尚書雖有曹名。不以為號。及靈帝以梁鵠為選部尚書。于是始見曹名。漢百官表曰。成帝建始四年。始置尚書四人。續事始云。尚主也。出納王命。敷奏萬機。政令所由宣。選舉所由定。罪賞所由正。李固曰。尚書猶天之北斗。斟酌元氣。運平四時。

分行

唐會要曰。武德令。吏。禮。兵。民。刑。工。正。觀。即吏。禮。民。兵。刑。工。光宅元年九月五日。改為六官。準周禮。通典曰。周禮。天官冢宰。掌邦六典。以佐王理邦國。漢成置四尚書。因事設員。非擬于

古光武分六曹。稍以周禮。唐武后遂以吏部為天官。戶部為地官。禮部為春官。兵部為夏官。刑部為秋官。工部為冬官。以承六官之制。初以吏兵戶刑工禮為次。神宗行官制。復唐故事。又以吏戶禮兵刑工為次也。

子司

又曰。故事以兵吏及左右司為前行。刑戶為中行。工禮為後行。每行各管四司。以本行為頭司。餘為子司。自唐制始也。

二十四司

自秦始置尚書。而歷郎曹多寡不等。少或十二。亦至三十六。隋有天下。尚書有六曹。二十四司。即今都省列曹是也。其制自隋始也。

子司印

唐會要曰。故事。凡尚書省。除吏部兵部外。共用都司印。至聖曆一年二月九日。初備文昌臺二十四司印。本司郎官主之。

八座

後漢以六曹尚書。并令僕為八座。梁齊亦有稱。隋唐至宋。令僕為宰相。故六尚書及左右丞為八座。蓋其事。自漢東京始也。

六侍郎

漢制尚書郎。三歲稱侍郎。隋煬帝即位。于尚書六曹。各置侍郎一人。按漢百官表。有侍郎秩比四百石也。

郎中

漢制尚書郎。初上稱守郎中。晉武帝始置諸曹郎中。唐以來。號正郎。武德三年。尚書郎改為郎中。按秦有郎中令。臣瓚以

惟

今

國

為主郎內諸官。則郎中秦官也。

負外

隋開皇三年。尚書二十四司。各置負外郎一人。以司其曹帳籍。則郎置負外。自隋文帝始也。按漢書惠帝即位。賜爵外郎。滿六歲二級。則隋置負外郎。亦取漢事云尔。蕭述唐兩京記曰。晉宋以來。始置負外郎。

左右司

隋煬帝即位。尚書都司。初置左右司郎一人。副左右丞。唐又置負外郎諸司。號為都公。唐書百官志云。天后永昌元年。置左右司負外郎各一人也。

吏部

漢初。曰常侍曹。後漢為選部。魏始曰吏部。按周官司馬之屬。

有士司為下大夫。通典則以為吏部之始。疑出于此也。

司封

左傳。晉文公為執秩。以正其官。杜預云。謂主爵秩之官。蓋今司封職也。漢尚書有封爵之任。後漢馮勤是也。北齊有主爵職。林曰。唐龍朔二年。改為司封。通典以為光宅元年。

司勳

周禮。夏官司馬之屬。有司勳。掌賞地之法。後周始置其官于尚書省。通典云。後周吏部有司勳上士。

考功

漢京房。作考課之法。而其職不在尚書。光武改尚書三公曹。主歲考課。至此始為尚書職。魏初置考功。亦唐虞考績之事也。而周禮亦有考功記云。

戶部

周禮地官之掌也。漢置尚書四人。一主財帛委輸。即今戶部任矣。吳始有戶部名。通典曰。吳孫休即信。戶部尚書讀奏是也。周禮司民掌登萬民之數。即戶部任也。

度支

通典曰。漢張蒼善筭。以列侯主計。領郡國上計者。

度支

之任也。魏文帝始置度支尚書。唐以為子司。

金部

周官職金。掌錫石丹青之令。則金部之職也。魏世始置尚書

金部郎

倉部

周官倉人主藏九穀。廩人主其數。調賜稍食。則倉部之職也。

職之

也。

今

禮部

魏時尚書始置倉部郎

唐虞秩宗。周官宗伯。皆今禮部之任也。後周有禮部。不言職事。隋以典儀曹。其名命自宇文周始也。

祠部

魏代始于尚書置祠部曹。蓋其官自魏始也。歷代目之不改。

主客

漢成帝初置尚書客曹。光武分置南北客。生于此。遂以名曹。

膳部

即周官膳夫也。晉有左右士曹。北齊曰膳部。

兵部

周禮夏官司馬之職也。魏有五兵尚書。晉宋為七兵。後周始

曰兵部

職方

周官有職方氏。掌天下九州之圖。隋初有職方侍郎。通典曰。後周依周官有職方也。

駕部

周官與司馬。校人。牧師。巾車之職。皆駕部之事也。魏晉之代。尚書始置駕部郎。

庫部

周官司甲。掌戈盾弓矢。則今庫部也。魏尚書始有庫部郎也。

刑部

唐虞之士師。周禮司寇。皆刑部之任也。光武謂之賊曹。為尚書職。後周始有刑部大夫。則刑部自宇文周始也。

都官

漢司隸屬有都官從事。掌中都官不法事。此名官之初也。光武改成帝二千石曹。掌中都官水火盜賊。建武三年始置尚書都官郎。佐督軍。

比部

魏尚書有比部曹。通典曰。北齊比部掌檢勾事。唐天寶十一年改掌諸司公廩公私欠負及勾用度物。

司門

周禮有司門。通典曰。後周依周官有司門。隋初為司門侍郎。煬帝除侍字也。

工部

唐虞共工。在周禮為冬官之職。漢置民曹。光武改主繕修工。

作池苑。魏為左庶。晉尚書為起部郎。後周始曰工部也。

屯田

漢昭帝始置屯田。而成帝置尚書郎一人。主戶口鹽田。此蓋尚書屯田之始也。魏代為農部。晉始有屯田。尚書則屯田者曹。在晉世也。

虞部

舜命益作虞。周禮有虞衡之官。蓋虞部設官之本。魏始置虞曹郎。後周改曰虞部。

水部

周禮夏官有司險掌溝洫。蓋水部之職也。魏尚書始有水部郎。

事物紀原集卷第十
凡四百共百八事

禮儀部第二十三 凡三十事

御史大夫

周禮春官宗伯之屬有御史。掌贊書。戰國時秦趙會澠池。各命御史書鼓瑟擊缶之事。漢于其謂齊王曰。御史在前則上世皆為記事之官也。秦漢以來始糾察風憲。然則御史蓋周官也。秦置御史大夫。以為御史之率。故曰大夫。

中丞

漢初御史大夫有兩丞。一曰御史丞。一曰中丞。初學記曰。秦官。漢因之。謂之中丞。以其別在殿中。掌蘭臺秘書。外督部刺史。內領侍御史。故云。成哀間更名御史長史。光武復曰中丞。

獨坐

後漢宣秉傳曰。光武建武元年。秉拜御史中丞。特詔與司隸校尉尚書令。並專席而坐。故京師號曰三獨坐。今中丞亦循。

後

其制始自漢東京迄今為故事也

侍御

周為柱下史。秦特張蒼為御史。主柱下方書是也。亦為侍御史。是則侍御之官。始于柱下也。漢始有侍御史。又有繡衣侍御史。蓋自武帝置也。後漢亦有之。隋直曰侍御史。漢書朝議以范丹為侍御史是也。韓朗以侍御史與三府掾治楚獄是也。

端公

唐侍御史之職有四。謂推彈公廨事。臺內之事。悉至之。號為臺端。他人稱之曰端公。其語自唐始也。

南床

唐制御史故事。食坐之南。設橫榻。謂之南床。殿中監察。不

得坐也。唯侍御坐焉。凡侍御例不出累月。而遷南省者。故號為南床。今猶有是。循唐故事也。

殿中

魏蘭臺遣御史居殿中。察非法。即殿中侍御史之始也。

監察

初秦以御史監理諸郡。謂之監察御史。蓋監察名官之始也。隋文帝開皇三年。始曰監察御史。竊朝會要曰。太平興國三年。以張巽為監察御史。先是三院。多外任。風憲之職。用他官領之。遂詔正名舉職。自此始也。宋朝之制。凡職事官。皆他官領之。惟三院御史。自是始正其名也。

裏行

唐太宗初置此官。自馬周始也。初馬周以布衣任事。詔令于

監察御史裏行。遂以名官。舊唐書志云。正觀初也。龍朔元年八月。以王本立為監察裏行。唐會要以謂裏行之名。始于此。非也。六典亦云。始於馬周。虞朝行官制。始省之。續事始曰。太宗時。疑未以名官。自高宗始以命官云。

三院

唐憲府故事。侍御殿中。監察。呼三院。故今亦斥殿中。曰殿院。監察。曰察院。自唐室始也。

六察

唐百官志曰。監察御史。分察尚書省六司。興元元年。一人察吏禮部。一人察兵工部。一人察戶刑部。歲終議殿最。元和中。以新入不出使。無以觀能否。乃命專察尚書省。號六察。唐會要云。元和四年五月。御史臺奏。舊例監察御史。從下第六人。

各察尚書省一司。是也。國家每入閭。國忌臨時。差六察。吏察。兵察。戶察。刑察。禮察。工察。元豐中。神宗始置六察司于御史臺。

知雜

唐武后以來。呼侍御曰端公。侍御之職。四自雜侍。臺侍。悉總判之。故知雜事者曰雜端。後又有以郎中。員外。兼侍御而知雜事者。亦呼雜端。官制行省之。

左右巡

唐會要曰。正元十年四月。勅准六典。殿中侍御史。分知左右。巡察其不法之事。按六典。自明皇時作。則左右巡之置。亦其時事也。通典曰。殿中侍御史。自開元初。知左右巡百僚班序。有雜立失言。頌而不肅者。則以禮罰之。是則此制。自開元始。

也。李肇國史補曰。玄宗開元初。至天寶末年。置御史左右巡使也。

臺簿

漢有此官。張忠為御史大夫。署孫寶為主簿。是也。疑漢官云。東朝會要曰。淳化四年六月始置二人。後止一員也。

檢法

唐置御史臺。推直官。而無檢法。宋朝元豐中。神宗正官制。除推直。始置檢法之官。

六傳

夏商雖世嗣。而太子之名亦略矣。其師傅之官。亦無文。至周始見。文王世子。故禮之所記。班班僅可推攷。文王世子曰。凡三王教世子。立太傅少傅以養之。太傅在後。入則有保。出則

有師。則太傅之原。槩舉于此矣。武王又稱太子也。漢止有太

六起

傅。少傅。至晉有天下。愍懷建官。乃置太子太師。太傅。太保。治

三少為六傳也。漢賈誼上疏云。保保其身軀。傅傳其德義。師

道之教訓。此三公之職也。又于是為置三少。皆選天下之端

士。故太子開正言。行正道。習與正人居。不能無正。則六傳之說。似漢有之。然諸傳無其說。亦可疑焉。

賓客

漢高祖欲易太子。呂后用留侯計。迎四皓以定太子。故賓客之名。始起于此。孝文為太子。立思賢苑。以招賓客。孝武為太子。立博望苑。使通賓客。洎晉愍懷建宮。惠帝使衛庭司馬略等五人。更姓來備賓友。雖非官。而謂之東宮賓客。唐顯慶元年正月。以于志寧等為太子賓客。遂以名官。定置四人。蓋取

起

法于四皓

詹事

秦官。掌太子家。歷代因之。通典曰。東宮官序。秦漢加置詹事。庶子及諸府寧官也。應劭曰。詹。省也。給也。漢官儀曰。秦官。實。嬰。景帝即位。為詹事。孔霸宣帝時。為太子詹事。

庶子

禮記燕義曰。古者周天子之官。有庶子。周禮夏官司馬之屬。謂之諸子。秦置中庶子詹事。真。漢因之。晉以為東宮官。晉書。鄭默為中庶子。朝官以為太子官。是也。隋分左右。通典曰。品。官。命。數。篇。漢有太子庶子。魏有太子中庶子。則非晉以為東宮官也。

少詹

唐始于詹事府。置少詹事一人。以貳詹事。

諭德

唐龍朔三年。初置太子左右諭德。蓋取文王世子教之以事。而諭諸德之義。

太子侍讀

漢宣帝詔王褒等。皆之太子宮。娛侍太子。朝夕誦讀。此蓋其始也。宋有諸王侍讀。唐正觀中。許叔牙為王侍讀。高宗升春官。仍兼侍讀。職林云。開成元年十一月。宰相李石奏置太子諸王侍讀。

太子侍講

後漢張酺以尚書講論。授皇太子。其事始見于此。魏官品始有太子侍講。此置官之始也。

中舍人

晉咸寧中。初置太子中舍人官。嗣朝神宗又置之。唐以來有太子中舍。而無中舍人

舍人

秦官。唐龍朔二年。改為太子右司議郎。咸亨元年。復為太子舍人。嗣朝初。亦不置。神宗正官制。復置之。

翊善

嗣朝王府之官。多省不置。別置翊善。曰某王府翊善。蓋古王傳之任。而輕其名位也。嗣朝會要曰。太平興國中。始置也。又云。八年三月。以戴元為衛王府。閻象為廣平王府。楊可法等為皇太子翊善。蓋自此始也。

王侍讀

宋武帝初。以徐受為晉安王子勛侍讀。此王府侍讀之初也。唐志曰。開元初。十王宅。引群學士書者入教。亦為侍讀。

王侍講

宋朝省王府餘官。而別置侍講一員。

記室

魏置。太祖以陳琳阮瑀為記室掾。其官始見于魏武之世矣。宋用晉制。自明帝後。皇子弟。雖非都督。亦置記室參軍。則記室而為參軍。晉官也。宋朝亦置于諸王府。曰某王府記室也。

宮教

宋朝會要曰。至道元年。以孫嬪充皇姪皇孫教授。從新號也。時中書言。唐文宗朝。李石奏。太子有侍讀。諸王亦有。無隆祿。今皇姪皇孫官是環衛。請以教授為名。此蓋王宮教授設官。

之初也

九寺卿少卿第二十四凡三十九事

九卿

禮記曰夏后氏百官始置九卿。漢九卿俱不以卿名官。梁武
天監七年始加卿字。

少卿

後魏官氏志云大和十五年初置少卿以卿為大卿。

太常

亦周禮春官職也。秦有奉常。漢初改曰太常。蓋秦官也。初學
記曰高祖改漢百官表曰景帝中六年更

太常丞

秦置官。漢為太常。亦曰太常丞。

太常簿

漢有之。疑漢官

太常博士

魏官也。魏文帝初置之。顏師古注漢書曰太常。王者旌旗。畫
日月。大事則建以行。禮官主奉持之。故曰奉常。後改曰太常。
尊大之義也。

協律郎

漢武帝置律協都尉。以李延年始為之。晉改為校尉。後魏曰
協律郎。蓋漢武以延年善新聲。故特為置協律

奉禮郎

漢大鴻臚有治禮郎。蓋設官之始也。按通典歷代皆為治禮
郎。唐初亦有掌設板位執儀行事。永徽二年以諸改為奉禮

杜佑云。奉禮。本名治禮。國家撰五代史志。至永徽七年。乃
于時此官已改。故北齊及隋治禮。皆為奉禮。奉禮之名。雖見
于史。其改。始自永徽。

太祝

商官六太。其一曰太祝。在周禮為禮官宗伯之屬。掌六祝之
詞。秦漢有丞。隋除令丞。止存太祝。

齋郎

魏始有太常齋郎。唐有太廟。郊社之別。唐泊國家。其父次者。
太廟又補室長。郊社即補掌坐。掌次。謂之黃衣選人。祖宗以
來。又以為朝臣子弟起家之官。

郊社令

梁始有太社令。後周為司社上士。隋于太常寺置郊社署。故

為郊社令。梁朝避英宗嫌名。改曰局

藉田令

周為甸師。漢文帝初立藉田。乃置令也

太醫令

周禮。天官冢宰之屬。有醫師。上士。下士。掌醫之政令。聚毒藥
以供醫事。秦為太醫令丞。漢因之。

宗正

周官也。在周禮實小宗伯之職。宋百官。春秋曰。周封兄弟之
國。十有五。同姓之國。三十有五。選其宗中之長而董正之。謂
之宗正。秦因其說。置宗正。兩漢皆授皇族不雜姓。晉始兼庶
姓也。舊唐志曰。星經有宗正。在帝座東南。漢高紀七年二月。
置宗正官。以序九族。

宗正寺丞

漢置官亦用公族

宗正簿

梁置官也

宗正司

林希兩朝寶訓曰景祐二年仁宗謂輔臣曰宗室子孫衆多聚居必以尊賢者糾合之詔置大宗正司擇祖宗後各一人命之首以漢安懿王與守節任其事後又有同姓庶官知丞事神宗時乃參用

光祿

漢書曰秦即中令掌宮殿掖門武帝太初元年更名光祿勳通典云梁除勳字曰光祿卿續事始曰秦掌宮殿門戶郊祀

主諸郎將廷殿中侍衛北齊兼掌膳隋全掌諸殺膳不掌宮

殿

光祿丞簿

皆漢所置應劭曰光明也祿爵也

太官令

周官膳夫庖人外饗皆其任也秦置太官令屬少府漢不改晉屬光祿後魏分太官為尚食知御膳太官掌百官之饌

衛尉

秦官也掌宮門衛屯兵之職尉尉也古兵獄之官皆以尉言所以尉羅奸邪也

衛尉丞簿

皆秦漢所置也

太僕

周禮夏官司馬之屬。有太僕下大夫。尚書問命。穆王命伯冏。為周太僕正。則太僕周官也。應劭曰。蓋太卿眾僕之長。

太僕寺丞

秦漢有此官也。

太僕簿

梁始於太僕置主簿。

大理

齊職儀曰。古官也。管子曰。黃帝得后土。辨于四方。使為李。春秋元命包曰。堯為天子。得臯陶為大理。舜時為士官。韓詩外傳。有晉文公使李離為大理。春秋左氏傳。衛侯與元咺訟。士榮為大理。劉向新書。楚平王以伍奢為大理。則大理自古有矣。秦為

序名

廷尉。漢初因之。景帝中元中。更名大理。蓋復古號也。舊唐書

志曰。取天官貴人之宰。曰大理之義。即周禮士師之職。孟詵

錦帶前書。載三代法官之名。則云。虞曰士。夏曰大理也。

大理寺丞

晉武帝咸寧中。曹志請廷尉置丞。北齊曰大理也。

大理簿

通典所載。自魏晉以來。歷代皆有之。是疑魏置官也。

大理正

秦置廷尉正。禮記曰。獄成告于職之正。注云。正。周禮鄉師之屬。則秦之置官。亦法周也。其名亦隋改云。

司直

後魏永安二年。御史中尉高穆奏置大理司直。漢武初置司

也

漢

直之官。屬丞相府。謂之丞相司直。疑大理之置司直。亦取漢丞相司直為名。淮南子曰。湯有司直之人。許慎注云。司直官名。詩鄭風曰。邦之司直。然則漢之命官。亦法古尔。

評事

漢宣帝地節三年。初置廷尉左右評。魏晉無左右。直曰評。隋煬帝始曰評事。

鴻臚

周官。大行人也。尹寶曰。亦周禮象胥之職。漢書曰。秦為典客。掌諸侯。四方歸義蠻夷。漢改曰大鴻臚。徐堅云。漢改之。漢百官表曰。太初元年更也。梁除大字。應劭曰。鴻聲。臚傳之也。傳聲。贊道也。劉熙曰。鴻。大也。臚。陳也。欲大以禮。序陳賓客也。馮鑑續事始曰。楚云連敖。漢為典屬國。按漢世典屬國。自為一

職。非鴻臚之任也。

鴻臚簿

唐因陳隋之舊。有鴻臚主簿一人。

鴻臚寺丞

秦與丞也。其名蓋隋所改也。

司農

少昊九農正也。舜官后稷。秦為治粟內史。漢為大農令。武帝太初元年。改曰大司農。魏文帝黃初中。止曰司農。

司農寺丞

丞。秦治粟丞也。漢置丞十三人。為勸農官。後改曰農。亦曰司農丞。

司農簿

晉太康中始置司農主簿

太府

周禮天官冢宰之屬有太府下大夫。梁武帝天監七年始置太府卿。續事始則云。梁天監中置少府卿。後魏大和中改曰太府

太府丞簿

周禮太府上士。即丞職也。下士。即簿職也。梁置太府卿。則丞簿二官亦梁置也。續事始曰魏也。

秘殿掌貳部第二十五凡二十六事

秘書監

漢桓帝延熹二年始置秘書監一人

秘書少監

隋煬帝始置秘書少監一人

秘書丞

齊職儀曰。漢獻帝置秘書令丞二人。魏文帝分秘書。別掌文籍。自置丞一人。此蓋置官之始也。或曰。魏武帝置也。

秘書郎

通典曰。後漢馬融為秘書郎。當是其官。自漢置也。職林曰。魏官也。初漢置秘書郎。蓋中書之任。魏分秘書。掌文籍為秘書郎中。宋除中書

校書郎

又曰。西漢蘭臺。後漢東觀。皆藏書之室。當時文士讎校于中。故有校書之職。而未為官。後以郎居其任。故謂之校書郎。元魏始命以為官。續事始曰。續漢書云。成帝置以傅毅馬融為校書郎。掌審定讎校圖書。

正字

漢初置秘書監掌圖書古今文字考合同異今正字之官蓋其遺意也齊集書省有正書官此齊集書省正字

著作郎

漢東京使名儒碩學入直東觀撰述國史謂之著作以他官領之未以為官也魏明帝太和中始置著作郎晉元康二年又謂之大著作

著作佐郎

魏世又置佐著作郎宋齊已來遷佐于下曰著作佐郎

太史令

必吳鳳鳥氏為歷正夏后曰太史周禮為春官宗伯之屬秦為太史令唐乾元元年改曰司天監宋朝神宗正官名復為

太史令

太史正

唐長安二年置太史令二人開元以後以令為監改令一員為少監國朝亦曰司天監必監官制改除少監置太史正

太史令

直

太史有丞一人歷代同之疑漢官也

直

後漢有太史令隋城門御府殿內皆有直長而太史無之宋朝正官始置太史直長

五官正

通典曰唐乾元元年改太史局為司天置五官正謂春夏秋冬中五官也

靈臺郎

唐改太史為司天監掌天文歷數風雲氣色其小史有靈臺郎時乾元元年也

保章正

周禮春官宗伯之屬有保章氏掌天文以志星辰日月之變動辨其吉凶此蓋其官之始也唐乾元元年改監其小史有保章正則是唐改周官保章氏為正也

挈壺正

又夏官司馬之屬有挈壺氏掌挈壺以令軍井非然則亦周置官也唐乾元元年始改太史為司天其小史有靈臺郎保章正也

殿中監

魏始置殿中監蓋分門下太僕二局以為其職也

殿中少監

隋煬帝大業中初置殿內少監唐復殿中之名亦曰殿中少監

殿中丞

此官蓋與少監同隋大業三年所置也其名改易同少監云

奉御

北齊門下省初置典御之官隋改曰奉御以隸殿中省

尚食

如淳曰掌天子之物曰尚秦置六尚乃有尚食則尚食秦官也

尚藥

梁陳以來皆為太醫兼職亦秦所置六尚之一也

尚醞

唐已前有尚乘無尚醞宋朝元豐中官制行則置此官也

尚衣

周有司服為禮官之屬戰國始有尚衣尚冠之職北齊制主衣隋復曰尚衣也左氏曰昔虞闕父為周陶正注云陶復陶也陶正主君上之衣服此尚衣之始也

尚舍

周禮天官有掌舍凡舍事則掌之漢官有守宮舍于魏則殿中職也隋煬帝別置殿內監改舊殿中局曰尚舍

尚輦

周官有巾車秦漢為車府令隋煬帝初置殿內省置尚輦也

五監總率期第二十二 九二十二事

國子祭酒

孫期在齊為三老稱祭酒漢吳王治海為劉氏祭酒又漢博士內聰明有威重者一人為博士祭酒胡廣曰凡官名祭酒皆一位之元長古者得主人饌則老者一人舉酒以祭地故以祭酒為稱晉咸寧中初立國子學始置國子祭酒六帖曰堯典克明俊德以親九族九族既睦平章百姓周封兄弟同姓成王時躬伯為祭酒主親屬秦漢目之又曰高祖七年自櫟陽徙長安置祭酒官續漢書有祭酒一人掌錄叙王國嫡庶及宗親遠近郡國歲所上宗室名通典云

國子司業

隋煬帝大業三年始于國子監置司業官取禮記樂正司業

之義

國子監丞

亦隋官。置與司業之官同置也。

國子主簿

北齊初置國子主簿。

國子博士

班固云。六國時。往往有博士。漢多至數十人。晉武初立國子學。始置國子博士之官。漢百官表曰。博士秦官。通古今。

太學博士

通典曰。漢武建元五年。初置五經博士。按趙岐孟子題辭云。漢興孝文欲廣游學之路。論語孝經孟子爾雅皆置博士。後罷。傳記博士獨立五經而已。此今太學博士之職也。晉江左

增置國子博士六人。始謂之太學博士。品服同國博。神宗元

豐中官制行。改舊直講之官。復置太學博士。職如經博士也。

武學博士

國朝神宗熙寧中。即武成王廟。建武學。置教授。如國子監直講。官制行。亦改為武學博士。

律學博士

晉初置律學博士。屬廷尉。衛尉親置。請律學博士輔相教授。唐移屬國子監。唐志曰。武德初也。

太學正錄

皇朝仁宗時。胡瑗掌太學。其正錄第補諸生。以為學校職掌。然不以命有官者。神宗熙寧末。興三舍。始初授命官。亦為學官之例。

衛尉至教授十
三字行

少府監

秦置少府。漢以來為九卿。後魏孝文帝和中易官品。改少府曰太府。隋煬帝大業五年。又分太府監蓋少府之名。本起于秦。而為監。自隋始也。秦掌山海池澤之稅。其屬官有尚方典工作事。今少府所職乃漢尚方之事云。

少府少監

隋始以少府為監。又置少監以貳監事。

少府監丞

漢所置官。

少府主簿

晉初置之。

將作監

少昊五雉為五工正。與唐虞之共工。周官考工之所記。皆將作之任也。秦始置將作少府。漢景帝更為大匠。隋開皇中。改將作寺曰監。故大匠之名亦更為監。

將作少監

隋開皇二十年。改將作大匠為大監。初加置副監。煬帝大業五年。改曰少監。

將作監丞

漢置。將作丞。隋改監亦曰監丞。

將作主簿

晉將作置主簿。真。

軍器監

後周武帝初置軍器監。則其官自宇文周始也。

宋本脫此一行十一字

軍器少監

唐開元三年始于軍器監置少監及丞簿

都水使

劉命益作虞蓋掌山澤之官周禮地官司徒之屬川衡澤虞即都水之任也秦始有都水長丞漢武元鼎二年初置水衡都尉又以都水官多復置左右使者此蓋設官之始也晉武省水衡置都水使者自此官名乃定

都水監丞

秦有都水丞漢又有水衡丞蓋武帝置水衡即置之也晉除水衡有都水丞亦兼秦之舊云

都水主簿

晉初于水衡有其官後隨府改也

事物紀原卷第十二
凡三前共八事

環衛中貴部第二十七元三十一事

上將軍

史記曰義帝以宋義為上將軍漢以呂祿為上將軍魏黃初中有上大將軍唐正元二年九月諸衛上將軍也老子曰君子用兵則貴右是以偏將軍處左上將軍處右說苑田忌奔楚王問齊楚相并奈何對曰齊使申孺將則楚發五萬人使上將軍將之則是春秋逮戰國始有上將軍之官也

大將軍

戰國時始有大將軍之號隨事即置亦不主官劉劭爵制以謂秦十八爵大庶長即大將軍也左右庶長即左右偏裨將軍也楚懷王與秦戰秦虜其大將軍屈馬是也項羽時范增稱大將軍漢遂置大將軍開府如三公至煬帝于諸衛悉置也

各置

也

將軍

周禮天子六軍軍方二千五百人其將皆命卿蓋在國稱大夫在軍稱將軍自晉獻公作二軍而公將上軍故將軍之名將出于此左傳閻沒汝寬偕謂魏獻子為將軍後漢百官志云初漢武將軍始自秦晉以為卿號七國皆有其事漢以來其命官之名極多謂之雜號也

諸衛

左傳楚潘崇掌環列之尹謂宮衛之官列兵而環王宮漢京師有南北軍掌理禁衛武帝初置衛將軍此名衛之始也秦有衛尉掌門衛則衛亦先秦之舊制尔晉武重兵官選清重之士置中軍以統諸宿衛此諸衛之始也

金吾衛

秦有中尉漢武帝太初元年更名執金吾蓋取執金革以禦非常也周隋為武侯之職唐龍朔二年改左右金吾來古名也

左右衛

漢有衛將軍魏末晉文王又置中衛武帝受禪分中衛為左右衛會要云唐武德元年因隋舊制有左右翊衛五年去翊字但曰左右衛矣

驍衛

漢有驍衛將軍謂之雜號武帝始以李廣為之梁武帝天監六年分左右

武衛

後漢末曹公為丞相有分營魏武帝置武衛將軍隋始分左

右續事始曰魏許褚從太祖破馬超遷武衛中郎將武衛之
號自褚始也

屯衛

隋初為領軍府煬帝改為左右屯衛唐為威衛五代周太祖
時避名復曰屯衛也六帖曰漢宣帝即位初置屯衛

領軍衛

魏武為漢丞相相府自置領軍非漢官也建安十二年改中
領軍文帝受禪始置領軍將軍晉武初有左右

監門衛

舊唐志曰漢魏曰丞門校尉隋初有監門府將軍唐龍朔二
年改府為衛

千牛衛

宋謝綽拾遺千牛刀人主防身刀也義取莊子庖丁解割千
牛而刀刃若新發矧之義故後魏有千牛備身掌執御刀唐
顯慶五年始置左右千牛府龍朔二年改府曰衛

諸率

自秦漢始有諸率以為東宮禁衛晉始置五率歷代因革不
常遂分左右也

府率

秦官也晉武建東宮始置率此其始也

副率

隋制諸率府各置副率掌貳率事

衛率

秦置衛率府後漢主門衛晉武太始五年分左右

司禦率

隋文帝制左右宗衛其官如左右衛煬帝改曰率唐龍朔二年改為左右司禦衛後復曰率

清道率

隋文帝置左右虞候各置開府一人唐龍朔二年改為清道衛開元初為率府

監門率

隋有左右監門率掌門禁唐志曰武德五年改左右宮門率也

內率

隋置左右率掌禁內侍衛唐為左右內率舊唐志曰隋初置左右內率府擬上臺十牛衛也

南班

筆談曰宗子授南班官世傳王制為相始開此議不然也故事宗子無遷官法唯遇祿曠大慶則遷一官景祐中初定祖宗並配南郊宗子緣大禮乞推恩自此遂有南班之授近屬自初除少將軍七遷為節度使遂為定制熙寧元豐間相免之外例授小使臣同舊官也

內常侍

秦置中常侍官參用士人給事殿省隋避諱改內常侍

給事

周禮內小臣之職也後魏有中給事中後為中給事煬帝改曰內承直唐曰內給事神龍元年內侍省屬有內給事八人是也宋朝不置此官或謂

都知

東朝會要曰國初有內中高品都知押班今置都都知副都知並在景德三年五月云尔然則其官自宋始也

押班

國初有內中高品班院有押班後隨省改易其名號東朝會要曰初押班無他職或加檢校官淳化後始以崇班以上充此押班之始也

內供奉

國朝會要曰雍熙三年置入內供奉官大中祥符二年二月宣入內侍省供奉官改為入內侍省內東西頭供奉官內侍省供奉官亦同此例

殿頭

又曰太平興國八年始有入內殿頭高品大中祥符三年二月宣入內侍省殿頭高品為內侍殿頭

高品

宋朝太宗興國八年又置高品至真宗祥符二年始為內侍

高品云

高班

又曰雍熙三年置入內高班內品大中祥符二年二月宣改高班內品曰高班

黃門

漢明帝永平中始置小黃門東朝會要曰國初黃門初補止曰小黃門經恩遷即為黃門黃門蓋漢官也歷代有黃門侍郎今門下侍郎是也

內品

竊朝會要曰雍熙三年置入內高班內品號祥符二年改定有
祗候高班內品祗候內品小內品雲韶部內品小內品入內
內品掌門內品後苑內品散內品等神宗正官止存內品之
名餘皆省也

事物紀原集類卷第五



